

續修寧縣志

藝文志下  
卷八  
志餘

續修崞縣志卷八

藝文志下

賦

西八口賦

明邑人 張拱極

稽古崞之陽延袤曠百里兮厥蹟勝而且雄聳重城以突  
兀兮枕孤虛之崇隆走蛟龍以浴日月兮舞鸞鳳而俯崆  
峒雲杳杳以繞山之北兮草萋萋乎水之東予乃披襟度  
以來遊挹勝概以自娛瞻蒙將軍之祠弔秦太子之墓送  
雪雁以南歸逐風鵬而遠赴回首中天徘徊獨步俄而空

續修崞縣志

卷八

藝文下

一

谷樵者弛擔息肩來思翩翩臨溝而駭矚抵岔口以盤旋  
俯蓮峪之麓仰夾柳之巔迎鵬梁元岡之朝日拂陽武蘆  
板之空煙若眷若戀且却且前躊躇四顧有懷欲宣予見  
而異之乃揖而進之曰相厥山川惟茲阻阨北控雁門之  
重關南扼雲中之故寨列亭臺橫矛鏃騰羆虎擁胄介松  
濤吼而獸驚峽流寒而不怪鳥道幽而望迷磧河慘而塵  
霾雖吞若雲夢者八九猶且愕然而蒂芥子何爲者耶上  
下嶙峋而披風霜以于邁樵者苑爾而笑叟焉作曰天限  
華夷此其邊疆自洪濛肇判以迄於今實維其防昔唐天



子屯兵崞口以固疆場宋置十有之砦亦嘗偵望於墩隍  
惟是聖明有道守在海外何云紫塞與鹵陽何讐虜之揚  
厲乃跳梁以崛強哀吾人其何辜彼出沒以遺殃豈天險  
之可踰抑兵謀之弗臧慨頗牧之既遠匪隘害其何望顧  
予心之不易雖屢瀕九死其實傷間有謂我心何求夫豈  
知予之所藏將攜吾子以奮舞關城鐵鎖以相當燭靈光  
以普照贊明謨於廟堂立夸父之腳跟跨西八口保無顛  
僵揮魯陽之金戈無俾血滿長城叫山鬼以涕滂魯尙有  
潦室之女矧於爾乎可忘予始而異之既而沈思久之曰  
續修崞縣志

卷八

藝文下

二

厥惟旨哉邈焉寡與昔未仰其盛名今始聞其法語公其  
相知也乎於是沃以名水不假刑牲指泉與石相與同盟  
盟曰奠崞山於鼇極兮蠢蠢流滹沱於會海兮瀾瀾億舊  
履兮歸於好謂予不信兮惟泉石其有知

崞縣賦

國朝邑人 蘭爾潛

繫維崞邑周而山區土風剛燥野徑盤紆接天倪而振彩  
奠地軸之雄圖廣縱橫其式闢環高下以平鋪東跨五臺

一百二十里

西吞八口

抵朔州一百八十里

形勝據中央之勢南襟忻界

抵忻口

北扼雁門

抵代州六十里

分疆躔參井之墟

天文崞縣在參井分野

此固三關之鎖鑰縣旁有三關實則全晉之機樞粵若堯號冀

州舜稱并域禹貢中都卓有定則迨殷商之制如唐至周

更晉趙異色并州城自唐叔封國後更號晉戰國屬趙復有秦新雁郡之名雁屬

郡魏建石城之極置石城縣齊開北顯改為北顯州之疆隋錫平寇

平寇延縣之飭唐以武延造其圖置武延縣又以唐林宏其闕又更名唐

縣林梁以白鹿社其城改唐林為白鹿縣晉以廣武擴其幅改為廣武宋

初有屬代之規終省作雁門之翎惟漢之制崞都漢始置崞縣

至今尚仍遺式蓋以西南高聳有山號崞狀挺然而障塞

也覽故事於歷朝知分更之消息其山則白仁陡峙西北四十

續修崞縣志 卷八 藝文下 三

里通志入代今按碑記屬崞黃崑曼延西南七十里跨甯化界南坡霧列西南一百二十

里福壽雲連東南七十里鳳羽間松青而滴翠東南一百二十里有石如

鳳毛及石紋還珠紫以生妍鳳凰山之西三十里有石如珠稍紫色他如柏

枝西二十五里以石紋類柏枝故名前高西南五十里亘橫十里凭牛東南三十

逆草東南一百里在銅川相傳有鳥子食其母涵蓋萬千

其水則浪湧三泉西南五十里東流入沱水漢高祖嘗駐師於此以鎗搗地三泉湧出液浮

甘露在崞山神廟左歲旱禱雨處神池之潏瀾淪一在凭牛山板河之一在堯元山

波爭布北二十五里東流入滹沱蟾酥池名西汎濫一瀉識底績於中

流沱澤城東一里許汪洋發源知孤山之東注源出繁峙孤山至忻口復流而

東與衛 又有南河 北橋之橋 温泉出福沙 沙河在

里東流 之渡 疏激 澗以滋田 障澗 澗而灌圃 其險則石門

關 聳抱 崞口 擎環 弔橋 嶺名有 同嶠 函百二 軒岡 有孟如

海外 三山 開塗 驛地 為咽喉 之界 原平 南四十里 卽 列保障

之間 四面 藩籬 皆要地 一連 都會 盡重 關其 蹟則 楊寨 西

六十里 六郎 崔嵬 秦城 西四十五里 始皇 嶧 嶧太子 西南

屯兵 於此 里因 扶蘇 賜死 留芳 烈女 西南五十里 要氏 二 豎節 尊經

之閣 重輝 說法 之臺 在白仁岩 東 未滅 憶萬 卷 樓名 金武

而神 怡想 此君 軒名 銅川 學 而情 悅高 躅遺 軌披 圖炳 列

續修 崞縣 志 卷八 藝文 下 四

其里 則都 都相 屬甲 甲攸 關綜 三六 崞縣 舊治 三十九 都

之分 土譜 一邑 之大 觀其 地則 半瘠 半肥 或高 或下 間有

澤田 餘多 燥野 不宜 霜早 而旱 頻全 仗雨 滋而 露灑 其俗

則士 崇詩 禮農 務桑 麻女 逸 不諳 織紡 非懶 地寒 不花 不產 閨

門嚴 肅婚 葬稱 家衣 粗食 淡居 處無 華戶 敦唐 風之 儉習

戒沫 土之 奢其 景則 崞山 疊翠 西南 二 仙洞 藏春 北十里

門其中 土堅 色 縱目 天涯 東南 四十 里峭 石壁 石鼓 中含

赤秋 冬氣 煖 太極 遙觀 夜色 南五十 里朝 元觀 內有 殘碑 皎發 冰輪 又

如陽 武流 金於 水上 南六十 里源 出太 子厓 地角 伏首 乎

沱濱 東二十五里五峯山高縱橫亘二十餘里根 飛礪灑

無雲之雨 西六十五里岩狀 晚鐘傳不擊之神 西南七十

內有鐘天晚 其靈則雨應禱天 五峯聖母廟 泉流插地 西

不擊自鳴 三十里龍泉唐魏鄭公駐師於 狐嶺封侯 凭牛神廟宋真

此以劍插地泉水湧出以濟軍 建 鬼坪助勤 起邑之時神兵助 雖若虛幻而難憑實亦感

通之攸異其祠則城隍冠斗孔廟參天魁樓傑出 縣治 梓

閣高懸 文昌閣在縣 更有關帝秦嶽社稷郊田及夫風雲

雷雨節義山川莫不歲時薦享期仰報於坤乾其塚則芳

草斜陽同歸燼滅祁墓 祁元帥墓在東 荆榛扶陵 扶蘇塚

續修崞縣志 卷八 藝文下 五

四十 里 坵埤斷碑認宗族之墟 張宗族墓在同 荒土傳魏徵

之穴 縣南四十里 自古英雄皆然撫懷悽惋欲絕其坊則

都憲 梁 風憲 田 大參 常 少參 賈 繡衣 王 司馬 劉 雙桂 賀

賀步蟾 李 父子傳香 張仁 甲 甲 丙 丙 聯鑣而奪幟祖孫濟

美 郝璋郝 庚 庚 壬 壬 分道以揚驂至於旌賢表節風表勸

廉時而四其坊以優女 節婦坊 時而五其樓以獎男 樓旌

有五 此又千秋之佳貺萬古之美談而乃發越既光土宜

攸出擅地利於中都毓瓌竒於萬物畜則馬稱神駿牛號

牡丹盧令標美玉後壯觀猶積羶豨爰有踰殺羝羯

盈野盈闌獸則文虎青狼黃豺斑鹿赤豹爭輝紫狐獻煜  
走狄兔於梁園奔山獐於上谷風狸成列以成行蒼獾或  
起而或伏禽則烏鴉反哺匹鳥幽閒飛奴雅麗舞燕煽爛  
雞傍殘星而報曉雁開錦字以度關浴紅掌於翠渚戲綠  
頭於青灣山雉石雞錦奪文章之席黃鸝碧鵲巧居言語  
之斑器則審冶鑄成鍋爐瓶盃梓匠雕修卓堯盤簡推而  
斗斛權衡碓磨車輓資物力之長補天工之短貨則烏薪  
鑿洞斥鹵煮波氈毯毛布斗笠雨蓑瑩楮玉箋縣北橋製紙不

亞薛濤蔡網細絲綿絹

銅川織絹

宛如蜀錦蘇羅蔬則鳧葵發

續修崞縣志

卷八

藝文下

彩鼈蕨舒英晚菘色翠早韭華青菱移西域瓜種邵平兼  
有蘑菇叢簇雪藕交橫黃花爛漫蒲筍輕盈或餐風而菲  
菲秀吐或飲露而菀菀芳生藥則甘草苓苓冬花芪芍益  
母參差麻黃錯落車前半夏固治病之良材遠志菖蒲亦  
用醫之妙藥穀則誕生嘉種有相貽留黃梁稻秫黍稷麥  
麩秬秠糜芑農業箕裘豆麻荏菽編戶春秋慶盈甯而開  
百室穀士女以奉先疇木則綠柳青桑蒼松翠柏葉翩反  
其迷離陰挺柯於如簣楸檀樺檜蔽雲塢而飄茫槐棗榆  
椿拂芬菲乎絡繹草有青苔點綴綠茹紛披瓦松叢布野

莠陸離苜蓿標遐方之異蘆芽燦竹葉之奇花有紅鳳茨

梅珍珠玉藥金盞鬪芳雞冠爭美或隱逸也菊屈吟而陶

擬或富貴也牡丹姚黃而魏紫海棠春睡燒高燭以照紅粧

蓮萼夏開對淩波而賞妃子片片錦茵重重羅綺果有房

陵佳李漢苑含消日邊董杏細核紫桃赭棗衍安邑之美

山榛擬鄜坊之高石榴蘊丹砂赤粒句圓推朱璧紫瑤香

美蘋果蔓稱葡萄品佳簇鳴藻豔輝郊凡此皆地氣之精

華孰謂非文明之攸昭至若此下言都會人文城號巨都勢雄雁

北虎變龍翔天關地極名寨亘乎八方邊陲橫於四塞於

續修崞縣志 卷八

藝文下

焉風氣以開人文以飭負版類多儒冠子衿亦皆修實深

山窮谷被服詩書野女耕夫敦崇道德故其盛也高曠則

花飛池畔之雪金玉錫扣虎橋之溪晉慧逃徵聘於汴梁

風高今古希元居士王德素樸之子解組紆於榆次節耀棗梨王九齡素之子

猶聞國寶羽化西林翁彭舜安光先棄妻明陳光先出家學道俱逍遙之勝

致非塵俗之羈迷文章則纂序春秋趙惟賢如魯著春秋集傳發明傳

註趙本忠發明正學賦稱燕尾之聯武伯英賦詩詫天涯之句唐雍

陶有題拱辰疏著乎武經著武經直好德學昭於藝圃劉

德為高平尹其他詞符白鳳指長城而遙吟唐王翰題腹

興學育才長城梁詩



飽青箱卧日中以仰煦晉郝隆七月七日曬腹中書參軍列風雅之宗

金玉特起訓導宏作人之遇明賀瑣此殆炳乎詩書光乎律度蔚

為藻華騰輝玉路蓋文風丕變自棘院傳芳或才高七步

或學富三場癸卯四偉人永樂癸卯譚敬宗賈顯趙仲徽秦良同榜同登桂籍

丙午五才子成化丙午解元張錦賀璠賀瑣靳瑄趙通同榜並掇天香至如題墨

書於魏甲宴筆陣於曲江統羣英之輔治見歷代之官方

於是秦秀以忠稱晉太常博士梁璟以直遂明尚書一則履廷尉

而無慚一則排權姦而不避俱見本傳廉推李瓚苑馬寺卿矢慎矢

公惠美張仁為縣令興教興利方定甫於元城明僑寓間仲字字定甫

續修崞縣志 卷八 藝文下 八

比龍圖於克義元定襄尹王克義王敬孝感而稱奇房山尹西安判官郝

璋蝗消而擢異歷官大名府同知賈忠來父母之歌知滄州累遷苑馬寺卿

田益解貪污之繆巡按御史績著旂常名留清議夫文教固燦

輝於宇宙而武功復勳正乎河山秦朗受遺輔政三國秦朗仕魏

為驍騎將軍彥威徙鎮恤艱安彥威晉高祖時為西京留守郝勝之銀符懸帶

晉郝勝隆之孫胥鼎之遣將救關金河東南兵馬都總管通軍機而襄國務

白忠忱而動天顏昂昂乎熊羆接跡赴赴乎麟鳳排班且

也賢哲輩生勲猷炳烈會風雲於建閣宋楊沂中震之子日耀星

輝假六翮乎九霄唐郝傑隆之孫雷轟電掣甚至臨大難厲冰操

孤死力衛邊郊總管破城盡節宋楊宗閔知州被戰身廔楊震宗閔

子灑龍逢之血吞比干之刀壯山河之氣裂社稷之勞載

在國乘疇非人豪嗣是雋彩雄飛善良畢集孝行則飲冰

餒餽賀多壽愈之子廬穴悲泣李方實雙歧煥獨處之祥二犬供冢

居之給夫且焚香祝於上蒼郭紹鳳哀毀形於骨立曹子温母

憂請代諸司屢匾以聲揚張時亨父葬棲墳三孝一門而遞

及王居敬居智居信他若裂爪封堆皇甫世忠承歡順色王尙質炳炳遺

模班班可式惟一本之性天久摯斯萬殊之道誼聿彰義

民則潔身濟物睦族仁鄉游完之捐貲除道公廉之輸米

續修崞縣志 卷八 藝文下 九

救荒石公廉或賜其冠帶或旌以牌坊梁宏借李斌標美志

厚與士榮齊芳王志厚郝士榮亦聞補逋款於貧戶石盤還遺

金乎潘囊張存智捨地施墳馬王澤及枯骨馬仲琥王雲鵬鑿山架

木閭俊恩周橋梁舉紛披之懿範皆盛世之嘉祥夫風化

攸端則刑于自擴節婦有張陳光先劉王之靳譚子辛梁

總管王德素妻賀張計馬吉彥楊生員程郝張吳或青擬於霜或

白比於鶴或苦勵松柏之操或堅持死生之約或志矢地

久天長或貞存山盟海諾或義方訓子頡頏孟母之二遷

或竭力奉親媿美姜妻之雙鵲誰不垂青史而照丹文質

鬼神以光臺閣又其盛也三世同轍王氏李林妻其女適生員高賢賢女適秦  
養民守節雙節並驅賀璠二女一適程子朝一適割耳遵  
三世一轍代州王維垣並夫亡守節  
撫孤之勸田益剪絲合殉葬之符李三戒以及調湯不倦  
於繼母任彪妻舐舌復明乎左驢李欽妻繫何代之無節  
賀氏趙氏  
且實繁其有徒更堪嘉者我

朝閨妙當在室之年嫺幼儀之教愈出愈奇全貞全孝狄娛

待笄守節狄氏字娛貞許聘張夢麟未嫁守貞肇開巾幗之洪荒賀安未字

從亡賀氏貢生崑之女許配監生郝琪未嫁守貞割關闈門之學校一死一生

同情同操真所謂熙代國華

續修崞縣志 卷八 藝文下 十

盛朝星耀百世流芳千秋是傲者也於皇哉披崞都之雄勝發

山水之奇香物產含英而吐藻人文擷秀而呈光以此筆

之全史傳之四方風俗敦古府政丕彰豈僅勒名縣誌垂

美崞疆已乎

詩

太子厓

唐陶翰

扶蘇秦帝子舉代稱其賢百萬猶在握可爭天下權束身  
就一劍壯志皆棄捐塞下有遺跡千齡人共傳蔬蕪盡荒  
草寂歷空寒煙到此盡垂淚非獨我潸然

遊五峯

國朝邑人張贇

朝踏五峯雪松濤聲淒切棲鵲鳴澗邊慄慄風颼烈日出  
已三竿巖前雲自結雲深隱蒼虬霧散豹彩別移屋入山  
居心遠塵氛絕

續修崞縣志

卷八

藝文下

十一

狄婺女

邑人李徽

至道美乾坤庸行自可久猗與周召南德著王風首處變  
得其常千秋同不朽于焉女子貞逸出先民右琴瑟本無  
聲翁姑得孝婦熊羆夢已空鞠育稱慈母節在柏舟前功  
施麟趾後遙遙三百篇曾見伊人否

扶蘇蒙將軍死所後人立廟

邑人馮立

神頭分西南相隔十餘里扶蘇與蒙恬此地同賜死雄關  
縈百二長城綿萬里古殿高巍峩直轟層巒起松柏鬱蒼  
蒼流泉清澈底宮門盤磴登厥中衣冠偉貌像尚如生烈

烈忠義鬼春秋薦馨香千年昭禋祀爲問斯高輩姦魂何  
依倚

廉吏行

并序

邑武訪疇

吏僅以廉著乎吏而廉是但能潔己未必有裨於人也  
然吏不以廉著乎吏而不廉是尚未能潔己安望有裨  
於人也故欲爲循吏必自廉吏始雖然爲廉吏難矣爲  
瘠缺之廉吏更難然吾謂惟缺而瘠則愈不容以不廉  
也清澗爲陝右著名瘠缺甲午春余莅斯邑甫下車卽  
以清白自矢惟是艱窘之狀支持實難爰作廉吏行以

續修崞縣志

卷八

藝文下

十三

道其真况並用以自箴迄今歷俸四年瓜代將及撫衷  
自問慚無善政及人獨廉之一字頗與初心不謬雖兩  
袖清風一肩宿債而夢寐固怡然自適也因存之以俟  
夫超乎廉之外而不僅以廉著者更有以教我焉是則  
余之厚幸也夫

讀書二十載驥尾幸追隨折腰爲五斗奔走抗塵淄宦遊  
入關輔綰章州隸綏山城本瘠壤清苦力難支債臺無計  
避積累勞於絲典衣給分潤何敢矜宏施飛語任相刺宅  
心信匪私人言何足恤但念雙重慈甘旨卻供億勗作良

有司祿膺六百石勿忘黃齎時慄慄懷明發輾轉費思維  
倘欲效貪吏惟恐天理虧仍欲作廉吏奚免世俗嗤貪吏  
雖易效暮夜豈無知廉吏縱難作寸衷尚未欺無欺心自  
樂夢寐甘如飴從此絕輾轉那復更游移泠泠清澗水可  
以療吾飢皎皎筆峯月可以照素期鱣魚味卽美羔羊節  
自持玉壺一片冰我心亦如斯聽獄思無枉撫字求勿遺  
惟知念民瘼金貝焉用之清風矢刻勵不負祖德貽

長城梁

唐王翰

長安少年無遠圖一生惟羨執金吾麒麟殿前拜天子走

續修崞縣志

卷八

藝文下

三

馬爲君効執殳黃沙獵獵吹人面兩軍相逢不相見爰聞  
鐘鼓動地來傳道單于夜猶戰此時顧恩豈顧身爲君一  
行摧萬人壯士揮戈迴白日單于濺血汗朱輪歸來飲馬  
長城窟長城道旁多白骨問之耆老何代人云是秦王築  
城卒黃昏塞北無人煙鬼哭啾啾聲沸天無罪見誅功不  
賞孤魂流落此城邊當昔秦王按劍起諸侯膝行不敢視  
富國強兵二十年築怨聲冤九千里秦王築城何太愚天  
實亡秦民奚辜一朝禍起蕭牆內渭水咸陽不復都

雲巖

并序

金元好問

觀州倅武伯英崞縣人少日舉進士有詩名其賦翦燭  
刀有啼殘瘦玉蘭心吐蹴落春紅燕尾香之句甚爲時  
輩所稱家故饒財第宅園亭爲河東之冠貯書有萬卷  
樓嘉花珍果悉自他州移植爲人多伎巧山水雜畫斲  
琴和墨皆極其工嘗得宣和湖石一窾竅穿漏殆若神  
劊鬼鑿炷香其下則煙氣四起散布槃水上濃淡霏拂  
有煙江疊嶂之韻吾鄉衣冠家法書名畫及藏書之多  
亦有伯英相上下者伯英獨特寶石以擅奇汾晉間耳  
興定末伯英沒於關中楊戶部叔玉購石得之王辰圍

續修崞縣志

卷八

藝文下

古

城中以示予且命作詩危急存亡之際不暇及也乙巳  
冬十一月來東平過聖與張君之新軒而此石在焉聖  
與名之曰雲巖予問石所從來聖與言夏津王帥得之  
汴梁泥塗中而以見貽予因歎一物之微經歷世變遷  
徙南北乃復爲好事者之所寶玩似不偶然乃爲詩道  
其故聖與三世相家以文章名海內其才情風調不減  
前世賀東山晏叔原故卒章以蕭間明秀峯故事屬之  
壺中九華玉孱顏紫煙著水往復還小窗虛明淡相對不  
數漢宮銅博山會稽禹穴深無底寶石偷來定山鬼一堆

寒碧殊不凡滿谷春雲更堪喜阿欣秀發見眉宇小杜才  
情淪骨髓摩挲不作几上看繚白紵青便千里渾沌日鑿  
餘空嵌漏天蒸溼饒風嵐世外原無種香國海南真有補  
陀巖觀州愛玩頻湔祓民部平生幾熏沐藏舟夜壑未厭  
深竟作新軒坐中物一天星斗入金尊翠射娉婷自有人  
只歎宣和鄭先覺爲君留寫五湖真

天涯山

元好問

九州上游推大鹵獨恨山形頗椎魯天涯一峯今日看快  
似昂頭出環堵何年氣母此融結鬼鑿神剗來奇古八窗

續修崞縣志

卷八

藝文下

五

玲瓏透朝日洞穴慘淡藏雷雨名花錦石粲可喜乞與雲  
煙相媚嫵半空擲下金芙渠想得飛來自元圃傳聞絕頂  
更靈異云是清都羣玉府五雲飛步吾未能風袂泠泠已  
輕舉東州死愛華不注向在陋邦何足數敬亭不著謝宣  
城斷岸何緣比天姥酒船何時朝復莫倒卷滹沱浣塵土  
喚起山靈搥石鼓漢女湘妃出歌舞詩狂他日笑遺山飯  
顆不妨嘲杜甫

蟾酥池

元好問

老暮食月飽復吐天公一目頻年瞽下界新增養蟾戶玉



府誰憐修月苦郡國蟾池知幾所碧玉清流水仙府小蟾  
徐行腹如鼓大蟾張頤怒於虎渠家眉間有黃乳膏梁大  
丁正須汝誰家敢與月復讐疾過池頭不容語向來屬私  
今屬官從今見蟆當好看爬沙卽上青雲端

挽彭舜安

元邑人武伯佐

崢之山無過柏枝好崢之賢無過彭國寶旣道國寶死分  
明晝步原頭道若道國寶生一邱新土生春草嗚呼死生  
蹤跡兩茫茫煙嵐萬古朝元腦

樓煩城

明王鑰

續修崢縣志

卷八

藝文下

六

樓煩隕廢惟荒邱黃沙射目風颼颼東西阡陌滿荆棘一  
派寒溪空自流當年全盛城墉固鶯花鬧市遊人聚繡戶  
朱費十萬家家家總把繁華度物移世換屢更遷狼嗥兔  
擲景淒然何須感歎眼前事幾番滄海爲桑田

蘆板寨口

知縣史漁

塞上風急凋萬木塞馬南牧空人屋殺氣北來天日淒寒  
山金鼓聲肅肅百年未見此荼苦嗷嗷夜哭滹沱滸千萬  
桑田總戰場百二山河盡赤土古今天險稱雁門鎖鑰重  
關限夷虜孰知今日雁門前室家林林皆蕩然長驅鼓角

聲獨壯飛鳥哀哀悲暮天烽火至今猶未熄如何願見戍人還

烈女厓

邑李楠

英皇御極七年秋塞馬萬騎入神州千里封疆空列陣三關將士幾同仇入夜旄頭映天白愁雲慘慘風颼颼磨盾橫槊遍雲朔戟劍森森殺氣浮烽火傳來人失色攜持婦子避虔劉軍烽一過萬家哭橫尸盈野血成流要家二女俱遭掠頭顱恨不卽被斫遙看路側有山厓壁峭千尋勢如削計是尼難自完區臨厓一躍隕深壑兩心不約自然續修崞縣志

卷八

藝文下

七

同兩身不辱何爾矚烈哉二女秉幽貞擐甲壯士亦錯愕厓因二女始有名永名烈女殊微爍吁嗟人生有此軀節義綱常乃與俱况復人壽不滿百胡爲怖死喪廉隅憶昔漢未有蔡琰豈不推是女中姝一朝含羞過青冢空負才華名已污較之投厓二烈女何取苟活在伊吾嗚彼失身辱節者空是昂藏一丈夫

大陽張氏諸紳邀遊五峯山賦長句以酬

國朝知縣邵豐鏃

樓煩之山皆翠嶺五峯深秀尤傑出我來濫竽兩載餘鹿

鹿風塵無暇日諸君招我共登臨撥冗策騎來迅疾羊腸  
一綫上青冥鳥道紆徐多鬱巘憑高放眼豁心胸儼然身  
到神仙窟崇山巔另列屏障峻嶺嵯峨相輔弼面面嵐光  
翠欲流森森樹影青初茁峯迴路轉抱琳宮曲磴長廊通  
禪室台圍古柏不知年剝落殘碑誰能悉山靜渾如太古  
時境幽真可擬衡泌巖下澄清水一泓不聞乾涸亦不溢  
老僧稽首向余言聖母靈泉世罕匹爲霖布澤潤蒼生神  
功昭赫難備述千秋祈報重明禋肅將祀事無敢失禮罷  
諸君意轉濃杯盤羅列更親暱縱談快飲俗氣除贏得浮  
續修崞縣志

卷八

藝文下

六

生半日佚酒闌乘興步蹒跚披襟席地欣促膝夕陽催我  
下層巒林外風來聲蕭瑟君家世德本清芬况復後先煩  
太乙名山賢主二美兼題詩愧乏凌雲筆勝遊原不尚浮  
夸濡毫自喜記其實

陪邵侯遊五峯

教諭王錫九

拄笏搢頤看山色公餘乘興來山嶠五峯排行出雲表宅  
中而治羣侯趨虬松古柏青未了各從其族分疆隅

松柏分株

移栽不植靈區異境類如此千態萬狀開心娛長嘯一聲衆谷  
響舉觴遞進醉醞醕與君直探老龍窟新詩字字鏘明珠

題狄貞女奇節編

周銘詒 鄱陽

石城貞女狄其姓未嫁守貞節何勁輜輶禮迎未亡人獨  
申婦禮駭聞聽衰麻髻首拜舅姑血淚交頤如泉迸夫既  
有婦婦立孤雪霜皎潔凝雙鬢慈孝固緣好讀書俠烈還  
應出天性廉頑立懦如夷齊紫綸彤管交輝映

飛來石

在陽武峪  
棧道旁

知縣王佩鈺

飛來石在山僻高一丈闊十尺將軍大印懸纍纍

上鑄將軍印三

字屹立不動土花碧天驚墮爾是何年雨冷風蕭水雲窟

下臨百道泉上偃千尋柏未入右丞畫誰抱米顛癖寒宵

續修崞縣志

卷八

藝文下

九

應有瘦蛟窺一片靈根浸明月

崞陽十二壽

晉秦秀郝隆唐郝傑宋楊震金游完晉  
鼎明劉寅梁璟王貫晉慧遠金王樸明

要二  
女

賈克明

有美一人兮滹水之湄立晉惠之閭朝兮終蹇諤而自持  
鷹鷂聳翮兮松柏鬱其寒姿議諡訟冤兮公論是職介弟  
求伸兮陰謀是抑身困縲紲兮名震異域我懷若人兮邦  
之直

有美一人兮銅水之陽越晉室之播遷兮爰晦跡而遯荒  
龍潛於淵兮鴻冥冥其高翔日之方中兮載坦其腹此君

名軒兮永矢弗告以親九族兮風穆穆我思若人兮邦之

淑此君軒金翰林學士郝侯建詩謂郝隆建者誤

有美一人兮崢山之麓奮貞觀之景運兮擢東臺而受祿  
麟遊其趾兮鳳矯矯其翮勿藥有喜兮方士不迷二王教  
讓兮有輯其辭牝雞無晨兮戒當時我懷若人兮邦之儀  
有美一人兮陽水之間擁多藏而不殖兮性好施而名完  
嗟爾衆母兮拯危殆而爲安以飽以燠兮伊誰之賜如康  
如莊兮載履平地盧敖千古兮老而彌孳我懷若人兮邦  
之義

續修崢縣志

卷八

藝文下

辛

有美一人兮靈毓柏枝撫鎮河東兮忠節自持建言十二  
兮樞府名馳擁強兵於方張兮進平章而旌伐議阻虎琪  
之南侵兮存正統於阨陘嗟莘公兮材什伯我懷若人兮  
邦之傑

有美一人兮正陽之魄學有淵源兮斯道自挈洪武應運  
兮兵樞是擢著書進覽兮勵操冰蘖假孫吳之小道兮發  
孔孟之真純引節制於仁義兮立言立功我懷若人兮邦  
之宗

有美一人兮天涯之儷孝友爲政兮起家進士聲並韓雷

兮骨鯁自勵批鱗將髭兮英英其氣守洮岷而撫湖川兮  
吏民輯而寇盜潛藏南部飛聲兮爲棟梁我懷若人兮邦  
之光

有美一人兮黃鬼之萃幼而失怙兮終貧且窶有母尸饗  
兮乃極甘脆居喪送死兮哀毀盡制廬於墓側兮三厯秋  
霜感白兔之往來兮烏鵲集而和鳴我懷若人兮邦之祥  
有美一人兮白仁之巔晉室肇亂兮迺慕金山卧石室兮  
飲龍泉猿聽法兮虎參禪避石勒之干戈兮指廬岳而卓  
錫白蓮爲社兮陶陸爲益我懷若人兮邦之釋

續修崞縣志

卷八

藝文下

三

有美一人兮南河之濱挂冠於元之貞祐兮願辟穀而修  
眞虛白爲軒兮黃鶴爲羣梨花命吟兮仙洞長春元李造  
廬兮詩酒之匹樂山樂水兮日復日我懷若人兮邦之逸  
有美雙清兮要氏之女守貞未字兮天桃迨於風雨玉則  
磨而不磷兮梅冒冷而香無侶寇賊滿野兮揚腥羶肝腦  
濺石兮點厓丹貞風千古兮興懦頑我懷若人兮邦之媛

任子貞先生殉難詩

并序

繁峙縣  
教諭 楊 篤

公諱秉鈺字子貞崞縣人以孝廉選知縣需次粵西時  
逆匪久竄金陵餘黨在粵者猶熾慶遠思恩諸郡咸罹

其害而賓州爲所據者二年矣戊午夏城復大府檄公署州事公至卽練義勇數百爲防禦計不三月賊果大至公念城自陷後民喪離殆盡不可守而洪嶺道險隘當賊衝扼之可挫其鋒也因先據其地與戰殺賊數百人嗣以衆寡不敵退守城城破猶巷戰力竭被執遂遇害時咸豐八年十一月八日也道光丙午鄉試公與家君同出汪雲叔先生大令門下篤候先生於榆次獲晤公弟子虔爲述其事若此先生因命爲詩以紀之

丈夫等死耳致身以報國偉哉任公奮厥志罵賊殺賊死

續修崞縣志

卷八

藝文下

三

亦得賓州城遠阻荒要流賊據之爲窟巢盤踞二載始驅去豺狼反噬氣益驕公來作牧三月久蕞爾邑當殘破後撫育子遺起瘡痍招集丁壯議戰守寇深矣可若何以戰爲守誓同戈大義所激人咸奮區區小醜何足多設伏而待遇賊洪嶺一旅之師軍容肅整轉戰晝及夜積尸陵谷等氣能吞賊力已輕賊轉乘勢直趨城公亦登陴勵士庶誓與此城同死生外援道旣絕巷戰力且竭賊衆擁公前勸公屈其節公乃厲聲罵不休身惟死耳何他求爾時白氣冲霄漢精忠耿耿日星貫下視斗大孤城中羣賊紛然

方鼠竄吁嗟乎人生到此何須悲留取榮名竹帛垂我詩  
豈足傳忠烈書此爲質雲叔師憶我昔藏公之扇頭字風  
骨具有嶽嶽勢始知大節由性出握管提戈非二事東南  
妖氣今尚熾公當殺賊魂莫逝

題遠公經臺

唐祖詠

蘭若無人到真僧出復稀苔侵行道席雲溼坐禪衣澗鼠  
緣香案山蟬噪竹扉世間長不見甯止暫忘歸

龍泉

明王鏞

劍拔靈泉湧泓深瀦作池雨餘光激灑風過碧漣漪曾濟

續修崞縣志

卷八

藝文下

三

三軍渴還滋百畝畦鄭公祠宇在猶想肅兵時

原平驛

巡撫潘芳

曉發原平驛紅塵去路長雁歸沙亂影雲霽野流光凍解

山回紫春深柳半黃賢勞忠藎意贏得鬢邊霜

原平驛

布政郭登庸

路轉滹西澤天虛曠野長斷雲煙樹色斜日雪峰光鳥下  
汀沙白牛眠塞草黃聞雞啼晝處亂水耀寒霜

五峯晴嵐

知縣孫祿

嵐嫩光搖翠輕風草樹生懸厓攀磴滑荒澗瀉泉清斜日



含山遠餘霞映水明四圍仙跡古遙望畫圖迎

魏鄭國公祠

史漁

煙雲籠古像陰雨潤蒼苔遺廟功臣在龍泉寶劍開千年  
流勁氣三代有遺才駿業誰能並臨風酌一杯

陪陸侯登五峯

教諭張鳳池

勝境無如此煩襟一到涼鐸鳴風入社雲斂月生光樹色  
含春意鐘聲送夕陽賢侯躬蹕謁原是布甘棠

登北臺看親池

李楠

凌晨具山屐盤蹕日將西地迴天疑近臺高望不迷陰厓  
猶積雪下界忽生霓何事潭淵黑神龍此內棲

續修崞縣志

卷八

藝文下

十四

堯元山

李楠

攀蘿緣鳥道相與謁山林古廟臨幽壑蒼苔點碧泓峯從  
雲際出人在畫中行覽勝徘徊久翛然爽氣生

陽武水利

教諭賈學文

陽武煙村外靈源混混流人家分上下水勢有沈浮土沃  
桑麻盛溪清景物幽石城不苦旱獨此一汀洲

崞山疊翠

賈學文

曉出西郊路羣峯列翠屏到來多古跡行處幾幽亭樵徑

雲中白村田雨後青年年耕獲罷簫鼓答山靈

陽武水利

訓導段上章

武水靈源出泠泠瀉玉清波涵天影動風落浪痕平坐石  
思垂釣臨流咏濯纓潺湲鳴日夜灌溉利民生

晚次崞縣

國朝朱彝尊

百戰樓煩地三春尚朔風雪飛寒食後城閉夕陽中行役  
身將老艱難歲不同流離嗟雁戶生計各西東

崞縣道中

保德州牧錢之青

躍馬樓煩道衝寒覽物華水田冰瀉鏡野樹雪飛花巖邑

續修崞縣志

卷八

藝文下

三

屏三晉連城接萬家管涔勞望想心與白雲遐

管涔山屬舊治甯武

地與崞邑接壤

夜行崞西上陽武道中

錢之青

月夜復雪夜山程兼水程不知煙霧裏何處亂流聲策馬  
鳴鈴急披荆照火明宵征雖跋涉幽僻亦移情

樓煩寺

何鵬

古刹傳東晉探幽路漸開幾層松挂日一片石生苔有客  
逃禪至無僧說法來勝井遺跡在清碧絕塵埃

龍尖山

邑人李翹

立馬望龍尖孤高欲插天幽葩垂綠露叢柏帶青煙徑曲  
隨峯轉泉清抱壁懸此中堪避世有願結茅椽

陪梁侯遊五峯

邑人張克俊

杖策登高處追陪愜勝遊松聲和梵唄石罅迸泉流絕頂  
雲霄近羣峯拱抱迺上方塵慮滌欲去更遲留

此君軒

金尚書  
令史毛瑞卿

桂林名姓一枝新萬竹青青德有鄰渭上風煙分別派山  
陽詩酒屬閒人心期已到冰霜窟眼界甯知花柳塵萱背  
從今看輝映嫩香新粉四時春

續修崞縣志

卷八

藝文下

三

同劉僉憲閱崞城工

巡撫魏允貞

檐帷褰盡見崔嵬旅抱逢秋此暫開一邑萬家當隘塞重  
城百雉俯樓臺橫行誰敢將予侮勿亟何期竟子來日暮  
劉琨聊共嘯登高翻愧大夫才

尚憶朔方多事日韓公特地築三城伊予設險仍先計不  
爲和戎久罷兵刁斗月籠清海夜蘆笳風斷白登營况逢  
萬壽無疆日金鑑千秋愧未成

老矛甯是折衝才市口紅門歲報開蟻智祇同封甬穴鴻  
勛敢望畫雲臺丹心北闕虛曾表紫塞西風又早來若使

當陽能解事亦將金帛築崔嵬

杜預帥襄陽輦金帛餽長安權貴餘用之修築因云

鬧湓驛阻雪

布政趙廷松

懸泉曲澗遠岩堯薄暮孤村夜寂寥白霧漫空山雪重青  
陽遍地谷風嬌未憐縱酒酣娃館便欲吟詩入灞橋聞道  
玉人連駟去山陰回首憶停橈

柏枝山

知縣陸壽光

召堯飛壁頰氤氳怪石深藏萬柏文矯首風煙驅混合撫  
膺天地劃中分尊前樹曩晴流色檻外鵬盤大鹵雲一望  
壯懷聊此寄酒闌歸路已斜曛

續修縣志

卷八

藝文下

三

凭牛山

張鳳池

凭牛山下鎖氤氳瑞氣時干北斗文梵磬引風空外轉曇  
花凝雨靜中分危峯倒映常流澗密樹斜飛不斷雲日暮  
懶將歸騎挽銜杯猶自對餘曛

凭牛山步韻

訓導郭世祿

山頭鬱鬱起氤氳山下時翻錦繡文松老天風巢白鶴樓  
高霽日鎖紅雲懸泉一派花香滿峭壁千重木葉分今古  
乾坤公輩在野人惟此愛殘曛

柏枝山

訓導王鵬昇

攀蘿直上柏枝峯迴合雲煙翠萬重石壁著文虬影亂珠  
泉睡錦螭形從虛壇露淨天花落古木風清谷鳥啼把酒  
不知紅日轉興來只欲跨飛龍

崢山疊翠

邑梁璟

羣峯相望復相連一雨初收景色鮮霧斂晴空青未了雲  
浮春野翠無邊連城佳氣通朝靄向水清光接曙煙自是  
古今天設險嵯峨永鎮億千年

登五峯

邑張鼎臣

五峯歷盡更悠然俯首滹沱一望穿峽轉琳宮藏漢月岑  
續修崢縣志卷八藝文下  
排紫劍插霜天雲根柏拆金麟起磴道泉飛玉乳懸宿障  
幾時推得倒常來箕坐嘯寒煙

滹沱河

國朝朱彝尊

滹沱河上流漸急騎馬春冰滑可憐百尺浮橋空斷板孤  
城哀角動荒煙愁顏送老饑寒日絕塞因人雨雪邊轉憶  
江鄉多樂事花濃齊放五湖船

遊五峯

邑張允中

山遊恍惚畫中行地僻人稀動隱情溪水全從雲外見虬  
枝半向嶺頭橫逃暄松菊開三徑避世疎狂學四明豈是

吾曹甘瘖癖素心原不愛浮名

五峯

代州劉崑  
學正

五峯縹緲勢峻嶒嵐靄晴煙覆幾層澗水觸山光似練松  
根盤石老如藤眼前活潑惟林鳥物外清閒是野僧勝地  
忽聞雲磬響禪堂又覺有傳燈

陪齊邑尊遊五峯勝境

張贊

五峯古刹碧雲堆簇簇芙蓉四面開風度鐘聲清客耳月  
移松影拂經臺凌空紺殿懸厓出不斷流泉繞屋來薄暮  
憑闌凝睇遠崢嶸陽福曜傍三台

續修崢嶸志

卷八

藝文下

三

雙嶺

邑馮國琛

雙嶺如龍自蜿蜒奇峯互映入遙天曾看左右嵐光接莫  
辨東西翠色偏行客每經重度路歸鴉時誤舊棲巔吟來  
卻恐難相肖借作同行昆仲肩

柏枝山

馮國琛

爭道仙人種柏奇恍如鬼斧乍雕時參天黛色翻新影入  
地銅柯長異枝不見土開根帶古忽驚石破幹多姿峯頭  
自昔餘名植掩映盤迴上下垂

上五峯

知縣李師琦

策杖攀藤陟五峯參差高下碧雲封巒頭嶺脚皆陰柏石  
眼山腰半古松曲澗潺湲瀑布深巖蒼翠削芙蓉我今  
覽勝忘歸去隱隱空門起梵鐘

邀邵邑侯暨諸幕僚集范公泉讌遊卽事

王錫九

遺愛清泉絕點埃綠楊深處一樽開敢勞羣鶴銜琴至更  
喜雙鳧擁舄來野色無邊簷外落玉卮滿酌掌中猜繁陰  
且憩甘棠蔭歸騎斜陽莫漫催

蓮花山

王錫九

續修崞縣志

卷八

藝文下

三

天涯山名鍾脈秀蓮臺不染淤泥拔地開瓣點雪花飛柳絮  
萼留雨漬長莓苔參差翠蓋迎風靜縹緲青枝帶月回應  
是神工巨靈手亭亭獨立萬年栽

漆郎山洞

邑人李馴

瞻仰高山愜壯遊西巖半顯翠微樓不緣國士藏空谷誰  
識忠魂鎮宛邱驚馬雄圖渾一夢漆身苦志懍千秋於今  
古柏疎陰裏尚有朝陽闡洞幽

山四方高中央下洞在西巖日初出光可照之

初夏上迴光嶺

邑人栗極敬

杖策憑高下界寬晴空極目縱遐觀青疇麥浪餘新靄白

雪梨花動曉寒沱繞邊關流百折山連燕晉路千盤雲迴  
不盡登臨興回首煙波正渺漫

春日來宣橋登眺

馮適

春來淑氣滿虛空極目郊原悟化工兩岸青畦仍鬱鬱一  
灣碧水故融融參差野屋閑深鳴高下垂楊動曉風緩步  
橋頭遊興遠恍如身世在崆峒

龍尖山

邑劉燦先

峇嶷天際對無尊雄冠同川八十村山峻無雲迷白晝林  
深有日亦黃昏虬松鳩柏爲臣僕虎嶺馬鞍作子孫比似  
續修崑縣志

卷八

藝文下

三

雁門猶隔脈雁來此處早尋門

軒岡道中有感

錢之青

峭壁懸厓百折幽泉聲不斷夾飛流風塵僻取樓煩道冰  
雪寒通古武州數載關山嗟夢鹿一心煙水狎盟鷗最憐  
景物當年是醉倒黃墟邈舊遊

原平道中

津顧贊

處處巉巖策馬行坦坦履道是原平人家煙火聞雞唱客  
店風霜聽鶴鳴沱水東流千里接崑山西望數峯橫我來  
晉北雄心壯雲樹蒼茫夾道迎



崢縣道中

王佩鈺

昔年來此不沾名差喜民消雀鼠爭愧我本無新治術怕  
人重說舊官聲雲連句注峯如睡冰塞滹沱浪早平繞郭  
漫辭紆道遠免教父老出郊迎

崢山寺

邑人王岐鳳

青山高處寺岩巖乘興登臨四望遙兩水當門如帶束諸  
峯對面作臣朝晨昏鐘磬聞重嶺層疊樓臺聳碧霄密與  
山靈訂後約他年來此作漁樵

秋日至南神頭村

王岐鳳

續修崢縣志

卷八

藝文下

三

我向秋風來叩關此村宛在畫圖間峯高林木小於筆嶺  
古人家簇若鬟抱屋水流黃葉澗當門人看白雲山幾回  
疑到桃源路隔岸霜楓落日殷

夏日重經陽武口

王岐鳳

千峯蒼翠列如屏十載前從此地經花放水流高下嶺峯  
回路轉短長亭雲看今日留人白山似當年爲我青日暮  
荒村堪駐馬童叟愛客話郊坰

遠公愴詩

唐僧靈徹

古墓石稜稜寒煙晚景凝空悲虎溪月不見雁門僧

蘆板寨口

宋 范仲淹

數年風土塞門行說著江山意暫清  
求取罷兵南北去滿樓蒼翠是平生

前高山

金 元好問

蛟聚蛙喧杳不聞已甘麋鹿與同羣  
胸中所得知多少半是青松半是雲

滴水厓

明 王 鏞

雲厓寒溜瀉重重亂撒跳珠顆顆同  
可惜無人收拾得隨風飄泊任西東

續修崞縣志

卷八

藝文下

三

題 辣

王 鏞

曾將蹤跡驗圖經出沒知時信有靈  
莫訝近來年不稔一泓深處靜潛形

鬧埜驛阻雪

趙廷松

大邊近報黃塵息老興孤吟白雪詩  
願得六花深十丈八方隴畝一時滋

彤雲萬里玉珊珊粉飾乾坤色一般  
多少車徒滿行道更無人釣富春山

野燒無痕春寂寂簷霜飛戶坐悠悠  
十年不踏三關路雪

裏看山是舊遊

蟠服將軍醉色醜貂裘錦帳雪兒歌為傳塞外飄風冷吹却邊氛恐渡河

三關二月雪如鹽凍入郵亭火不燃官吏乘風嘶馬去不知何處酒家眠

石橋書院

梁璟建後為文江書院

中魏紳

山郭雨餘書院靜柳塘風軟鳥聲嬌司徒未醒南窗夢流水浮花滿石橋

秦王寨

邑人張拱極

續修醇縣志

卷八

藝文下

三

弔橋重嶺一荒邛綠草王孫此地遊一代豪華春已盡黃雲杳杳水空流

凭牛山

李楠

三十年前數往來清湍茂草景幽哉而今霜鬢星星白猶夢看山坐蘚苔

午日遊福壽山

李楠

山含翠靄俯清流午日攜樽此共遊戀景不辭頻徙倚斜陽一片挂荒邛

自是羣山第一山羣山擁翠水周環更奇一竅通幽窅

山頂

有竅撒麩於內卽  
自山下水中流出  
不獨峯巒可解顏

天涯曉雪

李楠

天邊巉削一峯青  
不與諸山並列形  
白雪滿空峯獨曉  
孤標萬古秀滄汀

石神瀑布

邑人李棟

靈岳岑寂一泉飛  
疑是霜紈挂翠微  
泉上神人誰巧作  
年年獨坐對斜暉

朝元觀

邑人李昌時

靈碑一片豎方壺  
此內疑舍不夜珠  
皎皎晶光如月色  
更續修崱縣志  
深長照煉丹爐

卷八

藝文下

三

仙洞

邑人李華時

三月邊關氣尚寒  
野人猶自怯衣單  
獨憐洞裏春長在  
知有仙人正煉丹

崱山

邑人亢其志

百疊蒼屏高插天  
翻從下界見雲煙  
微茫八表浮元氣  
較似身遊太古前

石磴盤紆到上方  
朱樓紺殿轉虛堂  
野人坐此心偏快  
又有西來暮雨涼

五峯四咏

古柏

邑張鑄

百尺修柯挂碧空蛟龍窟穴竅長風不隨凡卉爭濃郁自有孫枝布鬱蔥

殘碑

殘碑剝落未知年聖蹟傳聞元宋前薛鎖斷紋苔覆額老僧常說不能鏤

聖母泉

香泉冽冽沁人心滌出苦腸有限吟邑侯邵公以詩索和故云止水一

續修崞縣志

卷八

藝文下

三

泓千載鑑不堪清照到如今

午夜鐘

東西南北與中峯遠近清音入寺鐘塵夢不知蕉鹿幻一聲敲散俗情濃

福壽山溫泉

夏洪甸

石罅流泉一徑斜野人冬月足漚麻若教移置驪山下便得揚名四海誇

原平驛

王佩鈺

桑陰低覆白茅檐大麥黃時暑漸添一帶斜陽停笠影滿

滕風響試新鎌

銅川途次題壁四絕

王佩鈺

小橋紅板白沙隄草色如煙綠已齊垂柳一行眉葉展最  
高枝上兩黃鸝

竹籬環抱野人家絕好溪山日未斜十里香風吹不斷萬  
株晴雪綻梨花

滿溪春水愛淪漣小小山亭笠影圓偶向桃花深處望粉  
牆一角露鞦韆

東鄰青靄接西鄰黃土牆低老屋春一樹桑陰梯一架此

續修崞縣志

卷八

藝文下

三

間知有飼蠶人

八景詩附

崞山疊翠

邑人宋志濂

下臨隘口上侵雲暑往寒來景不分遠擬岱宗青未了濃  
添夏雨翠成文中懸紺殿琳宮畫旁襯煙綃霧縠紋莫羨  
錦城名勝地西山佳氣鬱氛氲

仙洞藏春

洞外春來到處春春藏洞裏隔凡塵渾忘秋至時將暮但  
有仙居地自神花柳文章三月暖滄桑煙景萬年新山靈

留住陽和氣休問桃源避世人

朝元夜月

虛堂朗照鏡高懸入觀人遊不夜天仙境朱樓連畫棟靈  
碑玉潤炫珠圓晴光並射閭侯里禪室兼通白水泉舊蹟  
摩挲餘斷碣一輪月色送歸鞭

土聖晚鐘

寺僧晚步渡仙橋入耳鐘聲破寂寥梵磬山空連柝擊曇  
松濤湧和風搖聲迴古洞雲三面韻接清泉水一瓢中聳  
危樓旁峙塔天開聖宇出塵囂

續修醇縣志

卷八

藝文下

三

天涯石鼓

初日芙蓉燦石葩天工拔置上天涯無鼉時奏風中鼓有  
象恍推雷裏車圓列巖腰殊土築空懸嶺足待神搥介公  
祠下誰憑弔古樹斜陽噪暮鴉

地角枕流

俯枕沱眠不計年天涯對榻幾桑田身尋濠夢蘧蘧蝶耳  
洗潁流滾滾泉赤壁倒迎江岸鶴青山橫泊卧遊船五峯  
歸路風波靜一覺黑甜秋水篇

石神瀑布

噴雪穿雲下翠微和煙攙霧一泉飛神從足底霜紈裂人  
訝胸前雪練揮巫峽千重懸綺縠廬山百尺瀉珠璣枕流  
漱石通仙境疑是天孫織女機

陽武流金

沃土連阡歲有秋金生自水武河流人歌盈鑛復盈藏天  
賜滿籩先滿篝江漢滔滔爐冶鑄源泉滾滾橐囊投披沙  
淘地非爲寶多稼年年報稔收



志餘

符瑞

宋孝武帝大明二年三月壬子平地出醴泉

魏太武帝延和二年南山木連理

唐太宗貞觀四年大有 憲宗元和六年大稔

後唐明宗二年有年四年有年

宋真宗大中祥符二年縣民張留妻一產三男

明嘉靖十五年大有

國朝康熙二十年大有二十二年十月縣東南鄉地裂出泉

續修崞縣志

卷八

志餘

四

灌溉民田至今利之 雍正五年秋八月嘉禾一莖三

穗至五六穗 乾隆九年十二年二十一年皆大有年

嘉慶十七年大有 道光三十年陽武龍泉寺黃瓜

並蒂生四鄉亦有葫蘆並蒂者 咸豐三年大有十一

年八月五色雲現 同治五年冬十二月辣辣出於陽

武河來歲大稔六年秋有騶虞遊於縣西七里之野

光緒四年秋八月洩東田間穀秀雙穗者不一

災荒

漢文帝二年荒賜民田租之半十二年免租 昭帝始元二年免租

晉世祖咸甯五年五月雨雹傷稼 惠帝永興元年秋大

風殺禾二年大饑

魏文帝太和十一年大旱民死牛疫七月賑貸

宋至道二年烈風雨雹

金崇甯元年大饑斗米錢數千

元成宗大德元年雨雹傷稼 順帝至正元年大饑七年

續修崞縣志

卷八

志餘

旱

大旱十九年夏飛蝗蔽天人馬不能行溝壑盡平

明洪武二年九年十年免租三十二年荒命官贖還民間

所賣子女減田租 天順二年大饑 成化十八年大

風折禾民饑二十年大饑命侍郎何喬新賑濟 宏治

二年饑八年大旱十五年大饑 正德七年夏嘗災十

一年四月雨雹大如拳 嘉靖四十三年六月陽武河

大水漫溢田禾廬舍多傷毀 隆慶三年六月雨雹小

如雞卵大如砧石大饑 萬曆十三年大饑十六年七

月雨雹禾稼樹木盡傷十八年大饑二十九年北城樓

瓦獸口吐煙占之主旱果驗三十年大饑知縣李年耕  
各鄉施粥全活甚衆三十七年大荒知縣劉楫濟百方  
拯救勸義民狄來覲等四十二人出粟二千石仍詳請  
發倉設粥廠三十七處存活數萬逃亡盡歸又設藥以  
醫病者

國朝康熙十九年大饑遣官賑濟 乾隆十年銅川五都歉  
秋發賑十三年蠲租 嘉慶十二年七月雨雹大風拔  
木十六年夏旱秋霜顆粒不收大饑 道光十二年早  
霜殺禾大饑十七年春夏旱七月滹沱河大水是歲大

續修崞縣志

卷八

志餘

三

饑 咸豐三年五月二十二日雨雹銅川鄉雹積厚與  
牆齊十年春雨雪月餘 同治十年七八月間霖雨月  
餘滹沱陽武等河皆溢沿河禾稼盡淹 光緒三年夏  
旱秋霜殺禾大饑冬遣官開倉賑濟復於城內設立義  
店二所以宿流民而城鄉餓死者猶枕藉復施葦蓆捲  
瘞之四年夏六月縣西北鄉雨雹北橋河大水沖壞民  
田無數五年三四月間有旱魃之謠鄉民以麩爲豬羊  
祭之卽雨秋七月大雨滹沱陽武等河皆溢

變異

隋文帝開皇二十年民間犬去其主變形如狼聚於野噬  
人數年乃止

唐武宗會昌三年春羊生二首連頸四尾

宋太宗端拱二年九月地震至道二年烈風 仁宗慶曆  
三年五月地震如雷 徽宗建中靖國元年地震彌旬  
始息

金宣宗真祐二年夏月暴雨關南外十餘里落羊頭一大  
如車轂角上豎高三尺以物怪申代州下軍資庫收聞

續修崞縣志

卷八

志餘

四三

之朝

元成宗大德七年七月地震九年四月地震 仁宗延祐

元年八月地震 順帝三年四年地震如雷

明正德十一年二月晝晦 嘉靖十二年十月星隕如雨

光若火天盡赤 萬曆十五年地大震聲如雷三十八  
年民家產一羊一首四耳耳後兩控二尾八蹄

國朝康熙二十二年十月初五日未時地大震初起西北聲  
若震雷黃塵遍野樹梢幾至委地毀壞民房人多壓死  
神山三泉原平大陽等處尤甚地且迸裂或出泉或出

黑沙人皆露處屋雖存不時搖動至十月中乃定是冬  
天氣頗燠三十一年夏四月朔日食晝見星斗 道光  
六年三月大風晝晦瘟疫流行十六年縣西鄉有五色  
蛇羣相蟠聚於聖母廟中七日乃去 咸豐元年三月  
二十日風霾八年秋七月十五日夜星流如矢由西北  
而東南數以千萬計自戌至丑乃息 同治七年十一  
月天冷異常行人多凍死者十三年春三月西山村有  
虎入居民家偃卧經旬而死夏四月西鄉有雌雞化雄

兵戎

漢將軍周勃下晉陽復擊韓信軍於砮石破之追北八十里還攻樓煩二城因擊平城下所將卒當馳道爲多又擊陳豨屠馬邑所將卒斬豨將軍乘馬降轉擊韓信陳豨趙利軍於樓煩破之得豨將宋最雁門守囿因轉攻得雲中守邀丞相箕隸將軍博定雁門郡十七縣雲中郡十二縣 光武建武五年盧芳以邊邑兵入寇掠有雁門五郡置亭令

齊范陽王紹義傳周武帝克并州以封輔相爲北朔州總

續修崞縣志

卷八

志餘

聖

管自肆州以北城戍二百八十餘所盡從封相及紹義至皆反焉紹義與靈州刺史袁洪猛引兵南出欲取并州至新興而肆州已爲周守前隊二儀同以所部降周周兵擊顯州執刺史陸瓊又攻陷諸城紹義還保北朔周將宇文神舉軍逼馬邑

隋大業十一年八月北巡始畢可汗勒兵四十萬圍雁門諸屬城皆破惟崞城守時齊王暕以後軍保崞城

唐太宗以李靖爲定襄道行軍總管防邊境道出崞號令嚴明秋毫無犯民爲立祠 德宗建中二年田悅舉兵

寇邢洛問計於邢曹俊曰兵法十困五攻尙書以逆犯  
順勢更不伴今頓兵堅城之下糧竭卒盡自亡之道也  
不若置萬兵於崞口以遏西師則河北二十四州皆爲  
尙書有矣悅不能用 僖宗乾符五年沙陀李國昌等  
焚唐林崞縣入忻州

宋雍熙中代州楊業戰沒上訪近臣以策齊賢請行卽授  
給事中知代州與部署潘美同領緣邊兵馬是時遼兵  
自壺谷大至薄城下神衛都校馬正以所部列南門外  
衆寡不敵副部署盧漢贊畏懦保壁自固齊賢選廂軍

續修崞縣志

卷八

志餘

巽

二千出正之右誓衆慷慨一以當百遼衆遂怯先是約  
潘美以并師來會戰無何間使爲遼人所得齊賢以師  
期旣漏且虞美衆爲遼師所乘旣而美使至云師出并  
州至柏井得密詔東師敗績於君子館并之全軍不許  
出戰已還州矣於是遼兵塞川齊賢曰賊知美之來而  
不知美之退乃閉其使密室中夜發兵二百人各持一  
幟負一束芻距州城西南三十里列幟然芻遼兵遙見  
火光中有旗幟意謂并師至矣駭而北走齊賢先伏土  
兵二千於土墜砦掩擊大敗之

土墜砦卽  
盤道口

金大安三年元師大掠崞縣 宣宗四年十二月元兵進

至代州橫城今屬崞至太原

元天曆元年雁門崞縣及武嵐州大澗諸處皆穿塹壘石

以為固調丁壯守之 致和元年九月燕帖木作亂於

大都上郡諸王忽刺台等引兵入崞州 至正十八年

賊將關先生大掠

明太祖洪武元年壬申徐達遣傅友德薛顯將步騎邀擊

賀宗哲軍於石州敗之崞忻霍絳猗氏平陽等處皆平

相傳明師至崞弗下乃退屯於萬家街斂兵十日不出城守稍懈陡焚萬家街而縱兵攻城州牧懼而遁師攻

續修崞縣志 卷八 志餘 畢

北門而入 隆慶元年九月俺答破石州遊騎逼忻崞 嘉

靖二十一年秋俺答復天爵求貢大同巡撫龍大有誘

縛之上之朝詭言用計擒獲帝悅擢大有兵部侍郎邊

臣陞賞者數十人磔天爵於市敵怒入寇掠朔州抵廣

武由太原南下沁汾襄垣長子皆被殘復臨忻崞代而

北 崇禎七年劉光祚以功加都督僉事為山西副總

兵敗賊崞縣復其城



逸事

陽武河冬月冰堅之後有狀如羊而獨角者曰辣辣衝冰而行劃然一聲冰爲之立亦不恆見見則歲稔

按山海經辣辣

狀如羊一角一月日在耳後其名自叫出秦戲山

漆郎山豫讓祠僅二楹居厓之罅規制狹小無寸地可恢乾隆丙子夏祠圯修葺已豎架蓋瓦矣八月初四夜雷雨交作厓石忽崩而平恰佐祠宇一間地人詫異之遂增建三楹焉

紹興初楊存中在建康有雙勝交環謂之二勝環取兩宮

續修崞縣志

卷八

志餘

巽

北還之意因琢成帽環進高廟日尙御冕一日伶人侍傍高宗指環示之曰此環乃楊太尉進來名二勝環伶人云可惜二勝環且放在腦後高宗爲之色變此所謂執藝事以諫也

趙惟賢字如魯作三氏教授相傳其地有古碑半入地中上蝌蚪書人不能識如魯至讀其文知地下所藏掘之果如其言

觀州倅武伯英嘗得宣和湖石一窾窾穿漏殆若神剗鬼鑿炷香其下則煙氣四起散布槃水上濃淡霏拂有煙

江疊嶂之韻詳藝文元遺山雲巖詩序內

王良舊宅在原平之西三泉之東良倡白蓮會夜聚曉散  
與三泉村曹氏有隙曹起宅良訟其斫伐禁山木石遂  
毀室入官曹亦訟其惑衆罰米七十石良令其黨各攜  
一撮一夜而完先是童謠云唐林岡上坐皇帝半坡街  
裏狗兒戲至是良與李越起事於唐林岡僭稱帝移兵  
至縣南五里地名龍王灘立磚爲城撒豆成兵聚衆至  
二十餘萬初良設水盆令其黨照之見良天子冕服越  
宰相衣冠餘各有本相至此復照則良無首矣衆散去

續修崞縣志

卷八

志餘

哭

良越逃之秦中朝廷以崞民謀逆遣兵屠之已過蘆溝  
邑人梁璟擗櫬上疏言崞民無知皆陛下赤子且其黨  
皆燕趙齊晉秦隴之人冊中姓名可證願以一身代崞  
民死上可其奏撤兵還後獲良越皆斬首越姪李福達  
善五遁法能騎紙驢向揚州看燈人以爲妖捕之逃於  
陝西改名張寅後謀逆事敗亦伏誅

嘉靖間西鄉賀二女手作一麩龍弄之久而龍自動轉收  
之卽卷聞於知縣史漁召至欲觀之女捧龍入儀門鬚  
角猶動至廳事前跌碎死

嘉靖五年秋七月妖人李福達坐死福達山西代州崞縣人一名午初以妖賊王良謀反事發戍山丹衛逃還改名午竄居陝西洛川縣與季父越同倡白社妖術爲彌勒佛教誘愚民嘯聚數千人大掠鄜州洛川諸處殺掠亡算已而官兵追勦捕得越及其黨何巒漢等誅之福達逃去占籍徐溝縣變姓名爲張寅賄縣中大姓以爲同宗編立宗譜塗人耳目已又挾重貲入京竄入匠籍輸粟爲山西太原衛指揮其子大仁大義大禮俱補匠役以燒煉術往來武定侯郭勛後仍往同戈鎮其仇薛

良首發之福達懼逸入京官司捕其二子按繫之福達窘乃自詣獄置對先後鞫訊者代州知州杜蕙胡偉證之者李景全等具獄上布政司李璋按察司徐文華等復上巡按御史張英皆如訴獨巡撫畢詔謂福達果張寅爲仇家誣所致反其獄以居民戚廣等爲證坐良罪獄未竟詔乞侍養去會御史馬錄按山西復窮治之傅爰書如前訊勛爲遺書囑免錄不從擬福達謀反妻子緣坐飛章劾勛黨逆并上其手書帝下之都察院席書亦助勛爲福達地大理寺評事杜鸞上言劾勛及書乞

將二人先正國法徐命多官集議福達之罪不報都察院覆奏李福達罪狀宜行山西巡按官移獄三司會鞫先是御史馬錄咨於徐溝給事中常泰泰言寅爲福達不疑又咨於讞獄郎中劉仕仕鄜人也其言如泰錄復檄取鄜洛父老識福達者辨之俱以爲真福達也乃檄布政司李璋按察司李珏僉事章綸都指揮使馬彖雜鞫之福達對簿無異辭遂附爰書上錄錄乃會巡撫都御史江朝上言福達聚衆數千殺人巨萬雖潛蹤匿形而罪跡漸露變易姓氏而惡貌仍前論以極刑尙有餘

辜武定侯勛納結匪人請囑無忌雖妖賊反狀未必明知而術客私干不爲避拒亦宜抵法薄示懲戒章復下都察院冬十一月左都御史聶賢等覆奏李福達逆跡昭灼律應磔死帝從之錮獄待決因詰責郭勛令自輸罪勛懼乞恩因爲福達代辨帝置不問勛又令福達子大仁具奏求雪父冤章下聶賢與原訊御史高世魁知爲勛指奏寢其議勛謂大仁曰苟弗解爾曹姑亡命勿蹈孛戮也於是給事中劉琦程輅王科沈漢秦祐鄭自璧御史高世魁鄭一鵬南京御史姚鳴鳳潘壯戚雄各

劾勛交通逆賊明受賄賂福達旣應伏誅勛無可赦之  
理給事中常泰亦上言勛以輸罪爲名實代福達求理  
論以知情何辭勛爲福達居間畫令大仁等事急亡命  
論以故縱何辭給事中張達等亦上言凡謀反大逆宜  
服上刑知情故縱亦從重典今勛移書請託黨護叛逆  
不宜輕貸聶賢亦奏勛當連坐帝不從勛亦累自訴且  
以議禮觸衆怒爲言帝信之尋命錦衣千戶戴偉移取  
福達獄詞及囚佐下鎮撫司羈候會鞠給事中常泰秦  
佑御史任孚邵鹵郎中劉仕復交章劾勛江潮馬錄仍

會疏極言福達不枉乞問如律勛乃與張璫桂萼等合  
謀爲蜚語謂廷臣內外交結借事陷勛漸及議禮諸臣  
逞志自快帝深信其說而外廷不知也帝命速取福達  
至京鞫問刑部尙書顏頤壽侍郎王啟劉玉左都御史  
聶賢副都御史張閏劉文莊大理寺卿湯沐少卿徐文  
華顧昺寺丞毛伯溫汪淵及錦衣衛鎮撫司各官會鞫  
福達于京畿道對簿無異辭奏請論磔帝不從命會九  
卿大臣鞫于闕廷時告薛良衆證李景全等共指福達  
福達語塞畢詔引證薛良之誣者戚廣也訊之復云我

曩未就吏訊安得此言頤壽等以其詞上上心益疑命  
俟齋祀畢朕親臨鞫問大學士楊一清上言庶獄無足  
煩聖慮者乞仍屬諸勘官會訊刑部主事唐樞言福達  
罪狀甚明擬死不枉上怒黜爲民頤壽等懼乃雜引前  
後讞詞指爲疑獄帝切責頤壽等六年夏四月遣錦衣  
官劉泰等逮馬錄赴京下鎮撫司獄待鞫仍取原勘各  
官李璋李珏章綸馬多詣京卽訊顏頤壽上言福達反  
狀甚明法難輕縱况彼以神姦妖術蠱惑人心臣等若  
不能執一或縱舍異時復有駱川之禍臣雖伏斧鑕何

抵欺枉之罪帝怒謂頤壽職司邦刑朋姦肆誣令戴罪  
辦事顏頤壽等復請會訊從之乃出錄與福達對鞫情  
無反異頤壽等復以上請帝謂頤壽等朋比罔上乃逮  
繫頤壽及侍郎劉玉王啟左都御史聶賢副都御史劉  
文莊大理寺卿湯沐少卿徐文華顧必于詔獄其原鞫  
郎中御史寺正等官俱遠繫待罪八月帝命桂萼攝刑  
部事張璉攝都察院方獻夫攝大理寺雜治之太僕卿  
汪元錫與光祿少卿余才忽偶語曰福達獄已得情何  
更多事乃爾詞者以白璉等奏聞帝命逮繫元錫才詔

獄并掠之大學士賈詠與馬錄俱河南人錄被逮詠遺書慰之鎮撫司以聞復搜得都御史張仲賢工部侍郎閔楷大理寺丞汪淵御史張英私書上責狀詠引罪得致仕去而逮仲賢等九月張璫桂萼方獻夫逢合帝意復鞫錄等于闕廷榜掠備至錄不勝五毒乃誣服挾私故入人罪璫等以聞遂釋福達帝怒錄欲坐以死璫營解之得免乃論戍編伍南丹衛子孫世及焉帝以羣臣皆抗疏劾助朋姦陷正命逮繫給事中劉琦常泰張達程輅王科沈漢秦祐鄭鵬等御史姚鳴鳳潘壯高士魁

戚雄等刑部侍郎劉仕大理評事杜鸞等詔獄死筆楚狴犴者十餘人餘戍邊削籍流毒至四十餘人謫大理少卿徐文華顧佖戍邊初頗頤壽等既逮治備嘗五毒聞者慘之已而皆奪官罷歸獨文華佖論戍邊二人皆與璫等廷爭大禮者江潮李璋李珏章綸馬豸等俱奪官韓良相及其左證俱論遣璫等自謂平反有功請編欽明大獄錄頒示內外諸臣以明頤壽之欺罔從之四十五年四川妖寇蔡伯貫反已而就擒鞫得以山西李同爲師四川撫按官移文山西捕同下獄自吐爲李午

孫太禮之子世習白社妖教假稱唐裔當出馭世惑民  
倡亂與大獄錄姓名無異撫按官論同坐斬奉旨誅之  
都御史龐尙鵬上言據李同之獄福達之罪益彰而當  
時流毒縉紳至四十餘人衣冠之禍可謂烈矣郭勛世  
受國恩乃黨逆寇陷縉紳而樞要之人頤指氣使一至  
於是萬一陰蓄異謀人人聽命爲禍可忍言哉乞將勛  
等官爵追奪以垂鑑戒馬錄等特加優異以伸忠良之  
氣穆宗從之當時死事謫戍者皆得敘錄是獄始明

辛章趙家婦不知何時人也相傳婦生前純孝貞烈有離

續修崞縣志

卷八

志餘

五

塵絕俗之概化身正襟端坐面目如生里人欽其神異  
構堂祀之元末兵亂有賊投其像於壑入夜其人卽死  
他賊懼取像復安其位迄今鄉人虔奉之

盧氏兒名忻者三歲能言自謂我前生乃懷化村趙氏子  
年十九牧於山雨滑墜厓奮而起見傍卧一人呼之不  
應視之乃自身也投之無從入明日父母來哭焚之月  
餘無歸忽一老人引至一門曰此汝家也推入則生今  
身昨夢中告前生父母明日當來看我家有白馬必乘  
來次日果有乘白馬者兒喜曰吾父來矣詢以前事皆



知自是兩家共養之

長樂張強山中嘗有牧子於陰雨中忽見洞門開廠因結草識之驅羊歸而復至遍山草結不知其處

代州花家莊武生栗僖因習技赴政化村乾隆十五年七月十三日午刻忽見日傍平列西木三元四字若匾同學者俱見之以爲西木栗字也爲僖稱賀謂此必武闡掄元兆僖亦自負因刻四字於箭以待符驗至九月初三日文闈榜發邑庠栗極敬極教極敏兄弟三人同中式僖聞之愕然曰應在是矣是科僖果不中

續修崞縣志

卷八

志餘

美

榮華村西有沙堆似牛形每因風南移而其形不改凡地爲彼經過後植苗較碩諸生王賓有土牛說以誌異

光緒五年重修趙武靈王廟廟僧豢一犬每工作有偷聞者輒吠之若監工然及工竣犬首對神像三搖尾而斃文廟大成殿棟宇穹窿蝙蝠雲集龕閣椽棧間幾於無隙可容每丁祭前三日卽徙居他所殿中寂無一物祭訖仍返亦異事也

飛來石在陽武口沙峪村長約二丈圍六七尺下支拳石數塊上有飛來石將軍印六字神運天然不假人力道

光年知縣王佩鈺有飛來石詩

南城古鐘原崇聖寺故物寺改建書院鐘置於通衢中裂一縫以手探之出入自如後縫忽合亦無痕跡今懸景明樓上

王武章腔村人雍正間牧羊入山見二老圍棋武愛之坐觀有頃腹飢甚二老出黑餅食之甘美異常初不識爲何物局終二老謂曰汝羊何往武起視二老忽失所在心異之遂採石旁艾一束置石上以誌其處及歸鄉人皆不識細詢皆其曾元輩語以遇仙故引孫輩覓其處續修崞縣志

卷八

志餘

三

不得但見滿山石上皆有艾葉痕至今艾葉痕迹猶存又其地有泉夏冰而冬解亦異事也

潞安志載崞縣崔韜之任祥符道過禡亭夜宿孤館見一虎入門韜潛避梁上虎脫皮變美婦卽枕皮睡韜下取皮投井中婦醒失皮向韜索之韜佯不知也因約爲妻抵任生三子一女及官滿復過禡亭談及往事婦問皮安在韜從井中取出婦披之復成虎咆哮而去錢塘瞿祐有詩云旅館相逢不偶然人間自有惡姻緣書生耽色何輕命四載真成抱虎眠

堅瓠集



